

清鄒弢撰
三借廬筆談

第四冊

進步書
局校印

清
鄒
弢
筆
談

三借廬筆譚卷十

金匱鄒攸翰飛纂

義賊

桐廬村義賊苗喜鳳短小有力能上五丈餘高牆行城樓上輕捷如猿嘗行竊江南過某村月墮更殘萬籟俱寂聞小屋內有泣聲陟屋窺之見西室內殘燈尚炯一女子披衣跪庭中炷香瓦鼎泣不可仰聞細語曰弟幼家貧祇此老母相依烏私未報願減壽增母壽算秀玉無力為母服藥請以臂肉和血為親起病求神靈鑒佑言已出小刀白如霜喜知為孝女剗肉療親者哀而敬之提下中庭女大驚喜搖手曰無恐我義賊某來拯卿者無惡意也探懷出銀授之曰此約三十兩可持去作醫藥資數月後當復來剗股傷身不足云孝無學愚人所為請從此別一躍而逝女驚定知遇俠客望空再拜不復剗股乘夜延醫而母竟不起女哀踴不欲生喪葬已女故有戚家亦務農者來迎不可一燈慘淡撫弟哭親而兵禍又起數月喜鳳來探破屋塵封杳無人迹驚疑不解問諸鄰始悉其故先是女母傭城中某紳翁家女從之翁子毫猾也見女誕其美出金啗母欲娶之以有夫辭子怒欲強逼之母訴於翁始得直因返家紡績以度然子銜恨未忘也比翁死子思報前怨聞女母亦亡乃受計家人賺女

來因密室。比晚公子來盡褪其衣欲汚之女驚呼則以絮塞其口時喜正探得凶耗密訪來紳宅聞南樓有呼救聲疾往覘之見其狀大怒破窓入手刃公子救女出負於背履屋如平地至野謂女曰此地不可復居卿弟何在可往吾家避之女再拜曰適墮惡人計弟寄戚家僅里許然以兩人為累於心何安喜曰救人救徹毋作厭聽語乃覓得其弟僱船返桐廬村女感激殊深欲委身事喜曰我豈好色者救卿而復娶卿人將歸我不義也竟為女締姻別姓

快快撒穀

鄉中春暮夏初有鳥來飛鳴陌上留連四五十日其聲曰快快撒穀雞夜必聲或隨飛隨鳴或栖而鳴至五月終即不知所之余向疑非黃鸝即布穀或反舌蓋其身大如勃姑而尾灰翼黃也後開記載知即鵲鵲詩云維鵲在梁鵲又名提壺水鳥也一名淘鵲俗誤為駝鵲似鵲而大灰色如蒼鵲吳諺云夏至前來謂之犁鵲主水夏至後來謂之犁塗主旱然考鵲之屬有漫畫信天緣二種漫畫以嘴畫水求魚無一息停信天則終日凝立不易其處俟魚過取之俗名青翰又名青莊二鳥貪廉異故勞逸分鳥尚如是人可不知所戒乎

疎香小影

吳江葉仲韶女小鸞字瓊章。工詩詞。許字崑山張立平。將婚而歿。年十七。著返生香集。歿後託
乩筆與人談禪。前生本玉京仙女。今證位也。生時遺疎香小影。上海葛隱耕孝廉題之云。櫻湖
人去清光冷。一幅疎香留倩影。綽約雙鬟別樣妝。春風舊佳聲幽靜。蓬萊仙子最嫵媚。悔結前
生一笑緣。花架低回情偶動。蕉窗宛轉夢難圓。芳年嬌小多才思。姊妹聯吟尤韻事。婢昭齊惠
綽並喜吟
素手閒臨子敬書。紅牙細鏤飛瓊字。鴨爐香盡侍兒添。悟澈禪機半偈拈。夜靜棋聲枯小院
半闌。琴韻潤疏簾。那知江上風凋早。髮影衣香都縹緲。只許琅函掌玉皇。小鸞本月
府侍書女不教眉
史修京兆冷雨孤燈痛阿娘。返生猶望杜蘭香。含毫血淚親書臂。女歿時。母宛君書
瓊章二字於臂入夢音
容幾斷腸。華桐浮衲傷心客。仲韶國變後
號華桐浮衲蓬島破瓜今又及。甲行日註。丁亥十月。記曰。今日
瓊章忌日也。蓬萊宮中又及破
瓜。無葉同歸受戒身。天台初子降乩。吳中宛君及小鸞
姊妹皆攝入無葉堂中。同受冥戒。鴻都尚覓招魂術。松陵遺事話前朝。
賸有灰囊跡未消。刻正如石友囊已留一迹。荒徑春烟埋紫玉。平原秋草弔紅簫。辨才真合
生天上。
生天上。詩有說云。今生
辨才天之句。十七年華空色相。蘭畹妍詞一代誇。玉臺新詠千秋賞。廣寒飛去苑
飛雲。願太冲為作
廣寒返駕圖留證仙踪續窈聞。仲韶著有窈聞
續窈聞兩編認取崔徽圖畫好。傳神還憶虎頭君。

感事詩

感事詩須要蘊藉不露口頭。未說心頭已說。所謂意在言外也。吳縣劉辰孫先生書感云。銅

杜空聞懾百蠻。天南瘴雨暗雲山。豈無勁旅招連若。安得奇師報奪關。畫像益州知善守。勒功車騎惜虛還。猶餘十萬橫磨劍。將帥韜鈴未等閒。長鯨跋浪忽趨東。采石西邊列戍空。偏是孫盧專扼險。况堪李郭失和衷。六朝山簇烽烟紫。二月花飛戰血紅。江北江南莽蕭瑟。可憐無地著哀鴻。何時敵愾策殊勲。偵探猶然誤聽聞。建閫又迎新節度。籌邊專倚故將軍。旌旗畫靜低寒日。鼓角宵殘擁陣雲。幾似當年趙充國。欲收甲仗事耕雲。靜鎮由來仗老成。問誰威望作干城。新軍整飭如龍武。僕射恩慈是父兄。列騎鈴轡朝練士。開尊幕府夜談兵。戈矛山立深防護。何似當年細柳營。森嚴刁斗壁門開。六郡良家應募來。此日請纓酬壯志。何人飛檄擅雄才。孤城陡絕懸軍入。小隊分馳斫陣回。誰使國殤拚一擲。封侯初願尚餘哀。租庸徵調柄誰操。取給軍儲計亦勞。轉粟蕭何資望重。輸財卜式占功高。關津路隘屯千騎。海市波驚阻萬艘。杜牧罪言留感憤。能從下策已人豪。

續百宜箴

范哦松秀才。有百勿相宜箴。言淺意深。有益於世道人心不小。余又代增數十則。即格言聯璧語也。句云。養德宜操琴。鍊智宜彈棋。遣情宜賦詩。輔氣宜酌酒。解事宜讀史。得意宜臨書。靜坐宜焚香。醒睡宜嚼茗。禮物宜展畫。適境宜按歌。閑候宜灌花。保形宜蒔藥。隱心宜調鶴。孤

况宜聞蛩涉趣宜觀魚忘機宜飼雀幽情宜藉草淡味宜掬泉獨立宜觀瀑探勝宜入山閒吟宜倚樹清談宜剪燭狂嘯宜登臺逸致宜投壺結想宜欹枕息緣宜閉戶覽景宜攜囊爽致宜臨風愁懷宜佇月鬱志宜聽雨元悟宜對雪辟寒宜圍鑪空累宜看雲談道宜訪友助豪宜舞劍裕後宜積德

瘦羊

潘瘦羊 鐘瑞贈劍辰生云筆花飛去見天壤且向書城寄此身悟入雙聲都有據吟成一字不曾貧近郊築舍耽秋氣避俗論交愛酒人許我西窓來話雨坐中高論劇津津

餘情詩序

紅豆館主華柳門秀才居吾鄉之東北蕩口鎮嘗寓某處有所看為主人所覺遂破好事作餘情詩百首頗極良豔今錄其序云膠青削鬢張京兆笑而抽毫粉白修容曹中郎怨而作賦端是前生司馬徹夜調琴劇憐仙籍彩鸞驚然朝寫韻庭前芍藥纏綿奚多架下荼蘼句留不少偶諧雲和一曲雙成之調難偕仰邀月印半規七夕之盟無據楊妃鸚鵡幾曾解脫籠中蕭史鳳凰徒見荒涼臺上奈何志殊磊落性喜清狂菱枝弱浸於風波桂葉傲香於月露題紅惹性有觸皆靈慘綠少年無端成恨楊雍伯何來白璧月泣藍田郭元振絕少紅絲風

牽繡幔。天寒倚竹。斑斑湘女之愁。更盡焚臠。閃閃宮娥之慘。是以蹴游北里。呼益歌高。步近東鄰。掩羅偷覲。劉家三妹。偶孝緯於閨庭。周室雙妹。獨表靈香之小字。曳湘妃之佩。妍響珊珊。懷韓壽之香。醉心眷眷。雙鉤蹴鳳。濯秋水以雙鮮。一髻堆螺。逗春山而一笑。慵來搗藥。蛺蝶凝紅。倦起闌茶。鷓鴣浮碧。李郎來矣。嘗寥卿氏之簾。阮子歸哉。慣卧盧家之響。城忽傾乎。一顧石遂證以三生。問今夕何年。君須記取。說此中佳趣。我未分明。然而天也。無情月兮。難滿巫山。峰杳滄海珠啼。燒寸蠟則將灰。僊春蠶其欲死。贈卿何物。量來一斛珍珠。與我無緣。照破羊牀幽夢。寫南朝之金粉。玉樹歌悽。描北里之胭脂。鏡花色妬。簫翩翩其有玉海水。脉脉以何言。終愁碧藕絲枯。餘香頓歇。未到綠楊陰重。弱絮先飛。扇影釵聲。催老東風之夢。粉奩脂盞。曾銷南浦之魂。秋館曉涼。醉殘羅綺。春燈夜炯。擊碎琉璃。所幸人面桃花。猶得重逢。崔護纖腰楊柳。長偎一拈小蠻。招明月之三分。雕欄並倚。話春風之一度。繡幕低垂。拍板歌詩。脆絕紅牙之唱。拔釵沽酒。頻勞素手之扶。鸞鶴無猜。燕鶯不管。買得坊間。豈意香合裁囊。摘歸江上芙蓉。爛都成錦。當年碧玉。多應解此深情。何日紅綃。更復能知芳緒。無何子規啼曉。姑惡愁春。香易冷。夫金猊絲難牽。予玉虎劉晨訪舊。洞犬驚噪。郭璞遊仙。隄鶯喚起。鄭交甫江湄之珮。已落誰邊。班婕妤好。紉扇之歌。偏騰永巷。拈來紅豆。此生枉種相思。拋去紫萱。無

處可呼蠲忿。玉搔頭記還嫌重。倩我携歸。香散膝應未耐寒。個人情擁三千碧海。走漫天不定之雲。廿四紅橋。撈貼地無情之月。那堪回首。直已鉅心。於意云何。遽令丁此。由是拔劍而舞。彈棋不平。思往事而凄其。問佳期而誤矣。蒼茫塵障。將從大地埋憂。潦倒酒杯。付與枯腸。化淚寄語海棠舊主。須燒燭以催妝。漫思隄柳行人。再上樓而畫黛。誰堪披膽。崑崙奴竟作冰山。聲此負心。毛錐子可稱劍客。生而慧不如勿慧。猶能打破愁城。道有情卻是無情。請願早登彼岸。驅一枝之禿筆。賦百首之俚詞。名士愁懷。美人豔態。同成落魄。竟為藩籬。孤英完得頑軀。庶或人天兩好。自今伊始。伊始自今。翦直快乎并州。玆期還之合浦。錦心繡口。組織甚工。後聞女嫁某氏。華君嘗投函致意。遲不作答。蓋野鴛鴦不如家鳳凰矣。序後一段指此。

孫梅菴

同邑孫梅菴

其業

以書法游公卿間。姿致秀媚。頗得香光三昧。未知其能詩也。近於華梅汀

案頭。見其索友人贈句云。驛路梅花取次開。猶思折贈一枝來。閉門莫作陳無已。詩債從無避債臺。調吳姓友人取姬謝客云。謝却同袍賦。並頭畫眉樓畔太綢繆。廣寒耐冷姮娥慣。何事吳剛著意修。又交情淡處能忘我。世味濃時肯讓人。俱清麗可誦。

聖恩寺

鄧尉山聖恩寺鐘樓方廣五六丈。上有巨鐘。大可四圍。相傳鑄成時。人不能懸。有道人以絲帶代懸樓上。舉之甚輕。臨行。令眾亂擊。不可少停。謂必俟我去遠方止。眾從之。良久。擊者手甚倦。姑止。少頃。而道人猶在林外。不聞鐘聲。回頭一望。笑而去。嗣重擊之。不復聲矣。因名曰啞鐘。後有人來取去。挂鐘繩。蓋龍筋也。鐘內有宋時黃歷。一人不能取。予游鄧尉時。令僧梯視之。云完好如故。余以足疾不能見。後聞寄竭殘贅云。鐘內係某僧血書金剛經。非歷本也。亦不知何據。

蔡梅菴

蘇州蔡梅菴。詩雖不甚佳。而予愛其對仗工整。如蘭言契合。常懷李。泮水歸來乍識荆。詩寫彩箋。誇白戰。香添紅袖。侍黃昏。遭際若同蘇玉局。功名敢學蘭相如。皆佳。君問為長短句。更勝。余但記其寄友調金縷曲。步彈指詞韻。半闕云。尺素音沈久。問何因。鴻稀雁杳。忍忘良友。妙筆如君。神味俊。不學郊寒島瘦。胡近日。情懷偏恁。料得畫眉樓子。上意中人。嬌態難平。否。儂未解。要君剖。

昨夜歌

余嘗於友人案頭。見昨夜歌一首。秀麗清新。筆亦靈妙。後暑鵬月館蕭史。不知為何人。去年

晤江君建霞樓。知為其胞兄。彼渭明經手筆。因向索觀。建霞復請摘贅談中。因錄之。詩云。昨

夜銀河駕烏龍。翠娥下踐人間約。麝風搖曳入簾櫳。倦燕梁間頓奮躍。未央宮柳不勝驚。一

絲斜裊輕復盈。眼波兜月春偷度。眉黛凝雲峰悄橫。此意欲傳傳不得。秋波笑溜破程櫻。旋

螺寶髻盤香霧。蓮鈎雙蹴裙邊露。蟬衫麟帶壓愁香。銀頭金雀光迴互。琪花瑤草故園無。何

人不怨前春路。銀箏一曲按紅牙。周郎顧此心繫花。自注。此指花。前仲昆五。況是麴泉撥人易。酡紅已上

臉邊霞。蘭缸半地猩屏障。燕蹴雙雙波蕩漾。玉關千外又東風。風痕吹縐桃花浪。欲雨不雨

春冥冥。梨雲一片呼不醒。座中綺語溫存互。門外更聲慎惱聽。玉繩低指散瑤筵。淇園繞竹

宜紅泉。孫郎踞有江東春。贏得小喬並鳳肩。豈無孤鶴梅邊路。屏山一曲人千里。歲華粉黛

蝶嬌。嗔更有多魚沉水底。自注。花魂攝取其情。其難垂涎。源。余靡香陣何時了。碧樹籠烟誤

天曉。金烏界破巫山雲。愁煞百結隨春暮。香車駕兮下畫堂。牽裾送別神旁皇。何物狂奴敢

獅吼。自注。某僕。欄門乘醉。罵罵意。在。雪鬢風虐沙塵走。生憎鴉噪峭寒禁。蠻觸興兵怎消受。

柳絲撩亂愁千縈。失聲啼破黃鸝口。起扶闌角花陰空。小桃紅褪胭脂濕。調停都為惜花忙。

欲釋層冰語轉濕。此中定有醜渠魁。不然何以哭如來。原注。孰為謀主。花神有知。須罰住北。

緣名簿為老綠章初奏偏逢怒霹靂。暮空眾惶怖。葛藤斬盡舊根株。海棠總仗春陰護。

眠無花者或綠章初奏偏逢怒霹靂。暮空眾惶怖。葛藤斬盡舊根株。海棠總仗春陰護。

莊奴留阿嬌主人留春百計停花驪為卿進酒重開筵機中織就相思字珠淚遲搭整翠鈿
齊梁舊族司香吏愛花花亦如人意媼氏能修離恨天劉郎再到前游地盈盈鏡裏雙蛾黛
一笑嫣然兩相對文君既悅司馬琴姮娥宜作神仙配夕陽容易又西流一聲去也忍回頭
長亭烟柳銷魂地天上人間各自愁

語意相同

瘦紅館主蕙生詠秦始皇云若從海外神仙去鞏鐵河山享不成徐嘯峰觀察云縱然仙去
應相悔難捨河山鐵甕堅兩意不謀而合歐陽璧人司馬詠嚴子陵云不見淮陰烹狗慘何
如長作釣魚人鄞縣徐植菴亦有一絕云當日淮陰亦老漁看他結局慘何如老夫怕再烹
功狗不上雲臺只釣魚兩意亦不謀而合

蝶詠

余嘗於春暮偕俞吟香葉綬卿挈酒榼遊郊外時夕陽在山暮煙籠野尋徑而行得曠地杳
無人跡蓋墟墓而久未修理者藉草為茵置酒斷碑清談小飲未幾遠樹吐月涼風拂襟有
老農攜小兒至余喜其同志招與飲閒話桑麻意致頗洽見小兒手持摺扇取閱之上書蝶
詩一首云消受群芳活一生修來艷福也非輕楊花飄泊休疑我香草送離怕夢卿寶帳四

園春有影。雕闌幾折。雨初晴。自從畫入滕王閣。殺粉調脂。易染成字。蹟甚芳。不知何人所作。比歸猶諷詠不止。後同江建霞於肆中。見揚州馬頓香女史畫蝴蝶手卷。上有此詩。一字不易。益新安曹椒生先生手筆也。

軍中秋興

癸未之春。法夷犯順。北甯一敗。全越俱危。坐使數百年恭順藩封。盡入敵人之手。皇上

持命大司馬彭雪琴宮保視師粵東。辦理軍務。甲申仲夏。法船攔入閩江。燬我船廠。迭擾淡水基隆各處。全臺震動。兩粵皆驚。彭宮保於軍政餘閒。作海南軍次秋興詩二十四韻。膾炙人口。因全錄之。詩云。九重宵旰切深憂。大將綏邊志未酬。鯨浪波濤番舶險。虎門風雨海天秋。屢思咸憲兵難撤。無計量沙餉費籌。幾度荒遐驚日暮。茄聲倏起動邊愁。八月秋高暑氣刪。西風吹冷大刀環。深閨有怨憑誰寄。荒徼長征若箇還。戎馬關山金鼓震。浮鷗滄海夢魂閒。賁生痛哭渾閑事。我亦啣杯淚暗潛。遠戍大南未奏功。蕉廬凋敝透西風。松寒夜月營棚白。柏鎖斜陽礮壘紅。巧婦作炊空妙手。征人無策遣離衷。卅年靡盬奔江海。難把愁懷問碧翁。營門瀕海景偏饒。炎嶠秋深柳不凋。芭塢蕉花紅黯淡。葵田蒲葉綠飄蕭。歌聲夕起收魚網。帆影中流送晚潮。十里長洲充要隘。礮臺高聳壓山腰。雄軍十萬病侵尋。白骨黃沙淚染

襟毒瘴秋來迷遠岫。輕寒夜半人愁砧。風聲帶怒掀濤立。雲影橫空接地陰。悵望鄉關何處
是。峰頭回雁寄情深。白雲山聳白雲隈。雲樹蒼涼翠作堆。秋草黃開盤馬路。夕陽紅冷釣鼇
臺。征袍寒浸西風緊。賜藥恩沾北闕來。水陸三軍均感泣。天教起死慶生回。瀟湘子弟八千
人。同戍交南共卧薪。玉帳枕戈眠夜月。雕鞍囊箭逐征塵。瓊州木落飛黃葉。珠海霜摧老白
蘋。歸去暮僚緣底事。秋風鄉思切鱸鱸。原注。謂李次青。夷族山頑恨佛郎。登壇老鬢已添霜。平
湖潮落蒼烟迥。合浦珠沈碧月涼。匣劍鳴宵亢。酒膽枕戈待旦橫。詩腸何時得作金鑊曲。一
箭天山殪白狼。星斗光寒劍氣橫。零丁洋面待燒兵。匈奴不滅家何用。法寇齊來穴已傾。軍
報羽馳憑電速。礮聲山照擬雷鳴。營柵一夜瀟瀟雨。溼透征袍著未成。草滿平原戰馬雄。秋
高肥透五花驄。風皺池沼凝深碧。露冷芙蓉墮淺紅。屢見雲龍騰鸚鵡。島任憑霧縠幻鮫宮。霜
天曉角聲清越。塞上旌旗掃玉虹。鼙鼓達達靖塞氛。十年驅騷有韓文。錢塘破陣留軍樂。越
石吹笳散敵群。南海三秋消瘴瘴。西風萬里掃愁雲。黃龍痛飲知何日。九伐權司未立勳。烽
烟塵莽未銷兵。協力邊防東至誠。事劇人和籌範密。秋高氣爽地天清。官軍慎守亞夫壘。鬼
卒難攻衆志心。一片公忠勤豹略。三江濤浪靖潮平。目注。謂倪豹臣。中丞。文。惶恐。曹經。十八
灘。拋開舟楫據征鞍。小臣慣立軍前狀。局境難教壁上觀。瓊島日驚波浪惡。金風時透戰袍

寒不才深愧肩防務。白晝籌謀到夜闌。幾回抗疏動天顏。塗炭蒸民切痼癰。撲鼻香來青草瘴。攔腰波濤紫泥關。羊城後路嚴防密。鯨海中流擁御間。分付么麼須子細。陳倉暗度不生還。霜降退荒懷誓師。五申三令肅威儀。邊防知此宜。知彼戍守忘安莫忘危。鎮日軍書疲手腕。何時戰陣拚頭皮。南飛烏鵲星稀夜。傳呼風聲有健兒。遠戍潮陽路八千。湘江作別又經年。紅黃霜葉營前樹。黑白雲花海外天。萬里秋風悲旅雁。一村斜日噪寒蟬。樓閣不斬心空赤。汗馬何時謝錦韉。詔書屢奉到天南。西貢深巢未易探。牢補五羊憑虎視。涎垂八閩恨狼貪。佛郎終有機心在海國。終歸聖澤涵。寄語蠻夷早收拾。免教烈日姜侵曇。從來戰守賴堅心。夷狄陰謀古至今。蜚雨潮增秋漲冷。颶風時撼敵舟沈。越南捷報飛來屢。臺嶠孤軍繫念深。終夜旁皇緣底事。嗟人獐犬未成擒。飄挂白鵝潭外舟。蓮花塔古峙中流。荻蘆瑟瑟終無主。禾黍離離歲有秋。圖畫今朝磨盾鼻。機槍昨夜落旄頭。從來草野多賢傑。策上平夷費蓋籌。瓊島孤懸海外難。深籌餉絀又兵單。但期水陸藩籬固。幸保城鄉枕簟安。若箇功勳躋李郭。有誰奏疏抗蕭韓。大山十萬欽廉境。內訌尤虞起揭竿。秋風頻冷到珠江。火熱惟留血一腔。野竈炊烟穿葦壁。荒營暮雨逼蕉窗。灰飛馬尾船遭劫。兜勦難龍虜受降。滿地干戈嗟敵醜。也應夢醒曉鐘撞。頻看蒼狗白雲根。塊壘都教付酒尊。新鬼紙錢焚白打。忠魂靈襯奠黃宮。

投鞭氣壯流能斷。按劍心雄淚欲吞。敵愾同仇舒義憤。縱橫掃蕩答君恩。瘴雨蠻烟百病侵。來鴻去雁信秋深。回生都仗珍奇藥。却敵惟堅驚忍心。帳下貔貅皆奮發。海中鯨鯢付升沈。一腔熱血知誰在。義憤能申是赤黔。嶺南風土異尋常。草木頻年不見霜。萬里秋澄營細柳。一林花好艷才桑。獻俘有日忻消患。興歎於今感望洋。炎帝於今猶海熱。九重離照正當陽。

飯顥山樵

海昌杜晉卿茂才。求峰別號飯顥山樵。予神交也。丁丑歲介掃花仙史。務辛田。熙曾以所刊飯顥山房詩選見贈。由是雙鯉往來。更形沆瀣。君書法學六朝。而獨得秀媚之致。詩亦高潔不俗。可於駕湖七子外。別成一家。擇集中尤佳者錄之。聞居云綠陰庭院最游綠。正是春風扇暖時。當戶好風皆可愛。入簾明月不嫌遲。閒看員耒農驅犢。怕聽敲門客索詩。屋角天桃開未了。隔牆紅出一枝枝。秀州道中云陰陰夏木綠成堆。笑我扁舟攬勝來。最是南湖風景好。菱花十里傍船開。游滄浪亭云小橋約略曲欄紅。四壁荷花一鏡中。檻外好風來緩緩。波光人影妨玲瓏。消夏詞云科頭鎮日掩雙扉。懶去持竿立釣磯。供得膽瓶花數朵。賺他蝴蝶入簾飛。其餘如乘興牛羊歸遠陌。忘機鷗鷺聚平沙。交密不須肝胆露。情深始覺別離難。漁舟三五自成隊。水鳥一雙飛入波。金鼎香凝深院落。玉簫聲闋畫欄干。馬趁暖風盤曠野。鷄

馱斜日下晴霄。奇峰聳翠爭烟樹。瘦石撐流。擎浪花五言如峭。帆懸海月。柔櫓劃江雲。展聲隨磬出。人影隔花尋。年少相逢易。窮途寄語難。詩狂常忤俗。客冷最宜秋。生涯爭筆硯。事業混漁樵。才大難為用。情多不諱癡。詩情工入畫。人事懶於春。遠水碧千里。夕陽紅一亭。有酒客頻至。無名花最嬌。皆有丰致。

春心秋心

武昌李素玉以押秋心詩得名。因號秋心女史。詩云。意外亂蛩挑客夢。空中寒鴈警秋心。野鷺忘機梳短羽。涼蟾如水洗秋心。兩押秋心皆佳。金陵有春心居士劉芳梅。詩云。不辨深宵愁幾許。一簾明月卷春心。高士梅花尋冷夢。美人萱菴蘊春心。兩押春心亦自然入妙。余寄賦秋生亦有有約緣楊舒倦眼相思紅豆逗春心一聯。

李新卿

李新卿詞史汪三官之養女也。弱質姍姍。工愁善病。然喜與人交。賓延廣坐中。遇有俗客輒避去。惟與碧雲黃葉詞人情願膠粘。詞人嘗調念奴嬌贈之。余客澄江。倪逸溪嘗為余述之。予大半都忘。但記其一起七句云。相逢何地。在海棠花下。笑偎嬌鳳。故故懷中人。倚玉鬢壓春雲香重。倦眼惺忪。低聲瑣碎。一點芳心。送一往情。深令人想見。

菊生

偶翻破篋得吾鄉滕筠生歸國謠小令一篇云燕暮暮朝朝嘗覩面玉人何日來相見
拋將春夢難留戀愁無限棗花簾外風如翦

金孝子

余嘗集友人談故事湯梅仙鎮為舉金孝子事甚奇孝子忘其名字阿玉洞庭山某村農家
子也少孤貧依母七八歲時見母夜績孝子輒背燈涕泣詢之則曰兒幼不能奉養累母苦
是以悲耳隣叟聞之哀其孝稍周恤之令伴兒讀月以千錢畀其母孝子感甚得少暇輒為
翁服役穢瑣必親晚則歸伴母未幾翁故孝子哭之慟立木主祀之晨夕焚香致奠出入必
告如事父母然顧依翁家非久計乃訓蒙於家所得貲市甘旨奉母母病藥無效孝子禱於
神願假年益母壽澈夜涕淚泣聲達戶外會冬日母病思食菱藕鄉僻離城遠無所得欲遠
出覓須二三日而母又病在牀不能舍躊躇無計思去此七八里陳家湖種菱藕覓泥中或
可得待母睡乘夜攜具奮往見一白茫茫冰沍甚堅拾路側石繫竹竿上擊破之飲帶往火
酒幾鍾解衣汨入寒不可少忍一手持竿不釋一手摸索泥淤內卒無所得須臾身僵不能
自主手脫竹竿漏入冰際自問必死但呼阿母一聲而已驚恍間似有人挈登彼岸一老人